



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

VENDIM

Nr. 647, Datë 09.08.2019

“Për miratim paraprak me shkrim nga Ministria e Shëndetësisë dhe Mbrojtjes Sociale të transferimit të kontratës së koncesionit të shoqërisë DiaVita SHPK “Për shërbimin e hemodializës pranë spitaleve rajonale në Shkodër, Lezhë, Korçë, Vlorë dhe Elbasan”

Komisioni i Konkurrencës me pjesëmarrjen e:

Znj. Juliana LATIFI	Kryetar
Z. Eduard YPI	Zv/Kryetar
Znj. Leida MATJA	Anëtar
Znj. Adriana BERBERI	Anëtar
Z. Helidon BUSHATI	Anëtar

Në mbledhjen e tij të datës 09.08.2019, shqyrtoi çështjen me:

Objekti: Njoftimin e përqendrimit të shoqërisë DiaVita SHPK dhe shoqëria Diaverum International AB.

Baza Ligjore: Nenet 10-12, neni 24, germa d, neni 26 dhe nenet 53-64 të Ligjit nr. 9121, datë 28.07.2003 “Për Mbrojtjen e Konkurrencës”, i ndryshuar, Rregullorja “Për zbatimin e procedurave të përqendrimit të ndërmarrjeve”, Udhëzimi “Për formën e njoftimit të përqendrimit”, Ligji nr.125/2013 “Për koncesionet dhe partneritetin publik privat”, i ndryshuar.

Komisioni i Konkurrencës, pas shqyrtimit të relacionit të Sekretarit të Përgjithshëm si dhe raportit të Drejtorisë së Analizës dhe Metodologjisë, mbi njoftimin e përqendrimit të realizuar nëpërmjet përfutimit të kontrollit të shoqërisë DiaVita SHPK nga shoqëria Diaverum International AB.

VËREN SE :

Transaksioni dhe përqendrimi

Autoriteti i Konkurrencës është njoftuar në lidhje me transaksionin e përfutimit të kontrollit të shoqërisë DiaVita SHPK nga shoqëria Diaverum International AB.

Blerësi: Diaverum International AB, është një shoqëri me përgjegjësi të kufizuar e krijuar sipas legjislacionit të Suedisë, më datë 28.06.2011, me aktivitet pronësinë dhe administrimin e

aksioneve dhe letrave me vlerë dhe aktivitete të tjera të ngjashme me to, sipas formularit të plotë njoftimit.

Sipas dokumentacionit të depozituar, nuk rezultojnë të ardhura të realizuara gjatë viteve 2013-2017 nga Shoqëria Diaverum International AB. Kjo shoqëri nuk e ushtron aktivitetin e saj në Shqipëri.

Shitësit:

Evita SHPK, është një shoqëria me përgjegjësi të kufizuar, e themeluar sipas legjislacionit të Shqipërisë me NIPT L31714005J. Evita SHPK zotëron 85% të aksioneve të shoqërisë target Dia Vita SHPK.

American Hospital SHA, është një shoqëria me përgjegjësi të kufizuar, e themeluar sipas legjislacionit të Shqipërisë me NIPT K61821002C. American Hospital SHA zotëron 15% të aksioneve të shoqërisë target Dia Vita SHPK.

Target: DiaVita SHPK, është një shoqëri me përgjegjësi të kufizuar, e themeluar sipas legjislacionit të Shqipërisë, e krijuar me datë 15.10.2015, me kapital 1.000.000,000. Objekt i aktivitetit të kësaj shoqërie është zbatimi i kontratës së koncesionit/PPP “Për shërbimin e hemodializës pranë spitaleve rajonale në Shkodër, Lezhe, Korçe, Vlore dhe Elbasan”. Kjo kontratë është nënshkruar më 10 shkurt 2016 ndërmjet Ministrisë së Shëndetësisë dhe shoqërisë DiaVita SHPK dhe është bërë efektive në qershor të vitit 2016.

Më datë 25 qershor 2019, është nënshkruar “Marrëveshja për shitblerjen e aksioneve”, midis palës blerëse Diaverum International AB dhe palës shitëse Evita SHPK e cila zotëron 85% të kapitalit si dhe “Marrëveshja për shitblerjen e aksioneve”, midis palës blerëse Diaverum International AB dhe palës shitëse American Hospital e cila zotëron 15% të kapitalit.

Autoriteti i Konkurrencës, me shkresën Nr. 410/4, datë 30.07.2019 “Kërkohet informacion dhe dokumentacion”, drejtuar Ministrisë së Shëndetësisë dhe Mbrojtjes Sociale, u kërkua dokumentacioni mbi procedurat e ndjekura nga autoriteti kontraktor në lidhje me transaksionin e njoftuar, dhënien e pëlqimit paraprak si autoritet kontraktor në kuptim të nenit 32 të ligjit nr. 125/2013 “Për koncesionet dhe partneritetin publik privat”, raportin e monitorimit të koncesionit me qëllim vlerësimin e aktivitetit të deritanishëm të kompanisë koncesionare si dhe planin e biznesit të shoqërisë blerëse me qëllim vlerësimin e aftësisë konkurruese të shoqërisë që pritet të hyj në tregun e shërbimit të hemodializës.

Në përgjigje të shkresës sonë, me shkresën nr. 3935/1 datë 31.07.2019 “Kthim përgjigje”, prot pranë AK me nr. 410/5 datë 31.07.2019, Ministria e Shëndetësisë dhe Mbrojtjes Sociale, si autoritet kontraktor, shprehet dakort për vazhdimin e procedurave të ndryshimit të strukturës së ortakërisë së shoqërisë koncesionare Dia Vita SHPK, por ajo (MSHMS) nuk depozitoi asnjë dokument sipas kërkesës së Autoritetit të Konkurrencës.

Me shkresën nr. 3935/1 datë 31.07.2019 me lëndë “Kthim përgjigje”, drejtuar Autoritetit të Konkurrencës, Ministria e Shëndetësisë dhe Mbrojtjes Sociale, shprehet në lidhje me vazhdimësinë e procedurave të ndryshimit të strukturës së ortakërisë së shoqërisë koncesionare Dia Vita SHPK.

Për sa më sipër, Komisioni i Konkurrencës vlerëson se shkresa nr. 3935/1 datë 31.07.2019 me lëndë “Kthim përgjigje”, nuk përmbush kriterin e nenit 32, pika 1 të ligjit nr.125/2013 “Për koncesionet dhe partneritetin publik privat”, i ndryshuar.

PËR KËTO ARSYE:

Komisioni i Konkurrencës, në bazë të nenit 26, të ligjit nr. 9121, datë 28.07.2003 “Për Mbrojtjen e Konkurrencës”, i ndryshuar,

VENDOSI:

1. Ministria e Shëndetësisë, në zbatimin e nenit 32, pika 1 të Ligjit nr.125/2013 “Për koncesionet dhe partneritetin publik privat”, të shprehet me shkrim për miratimin paraprak të transferimit të kontratës së koncesionit “Për shërbimin e hemodializës pranë spitaleve rajonale në Shkodër, Lezhë, Korçë, Vlorë dhe Elbasan” të shoqërisë DiaVita SHPK.

Ky vendim hyn në fuqi menjëherë.

KOMISIONI I KONKURRENCËS